

# Prensa Mericano keto bay siguiendo di cerca tur movecion na dump



ORANJESTAD (AAN): Ayeramainta, DIARIO a tuma nota di e presencia di prensa mericano dilanti dump.

For di e momento cu e buskeda di Natalee a inicia na dump prensa mericano no a stop di bishita e lugar aki, y

esaki ta locual nos a haya sa debi na e comentarionan di Greta van Susteren a haci ora cu e ta critica riba su website e forma con e bestianan ta ser trata akinan na Aruba.

E comentario aki a bin na remarca den e website di Greta ya cu na momento cu e

tabata bishitando dump Diamars pasa, el a topa cu un cacho den hopi mal estado. Di e forma aki el a comenta cu nunca el a pasa den un situacion asina, caminda e por a topa cu tanto sufrimento.

Ta hopi tristo pa mira con otro tipo di problemanan di nos pueblo ta bin sali na cla

atravez di e prensa stranhero. Ohala, berdaderamente, e instancianan concerni por haci algo pa stop caba cu e maltrato di bestianan riba nos isla of haci algo pa evita e reproduccion di hopi animal cu lo unico cu nan ta haci ta sufri ariba e pida baranca aki ya cu nan ta ser atropaya, maltrata, venena, keda sin

awa, cuminda, etc y sin cu ningun hende worry pa nan. Nos sa cu na Aruba tin un instancia cu ta proteha nos bestianan pero nan mester busca un forma di introduci un ley cu ta duna boet na e culpablenan di maltrato di bestianan inocente cu solamente kier un tiki di proteccion y cariño.